



«Арқалық қаласындағы облыстық
№ 2 әмбебап ғылыми кітапханасы» КММ
Ақпараттық-библиографиялық қамтамасыз ету бөлімі



Кәки Ақан игерген мол өнеге

Қоғам қайраткері, сазгер,
күйші Кәки Ақан
Шәріпұлының туғанына
90 жыл
(1935 – 2024)

(библиографиялық жаднама)

Арқалық, 2025 жыл

*«Арқалық қаласындағы облыстық
№ 2 әмбебап ғылыми кітапханасы» КММ
Ақпараттық-библиографиялық қамтамасыз ету бөлімі*

Кәки Ақан игерген мол өнеге

/қоғам қайраткері, сазгер, күйші Кәки Ақан Шәріпұлының

туғанына 90 жыл/

(библиографиялық жаднама)

ӘОЖ 7(574)(092)

ҚБЖ 85.33

Ж 26

Құрастырушы: М.Г.Жумағалиева

Шығарылымға жауапты: Ж.К.Абжанова

Мұқабаны безендірген: М.Г.Жумағалиева

Редактор: С.А.Алматова

«Кәки Ақан игерген мол өнеге» [Мәтін] : [қоғам қайраткері, сазгер, күйші Кәки Ақан Шәріпұлының туғанына 90 жыл толуына орай әзірленген]: библиографиялық жаднама /Арқалық қаласындағы облыстық № 2 әмбебап ғылыми кітапханасы, Ақпараттық библиографиялық қамтамасыз ету бөлімі; [құраст.: М.Г.Жумағалиева; шығарылымға жауапты: Ж.К. Абжанова; ред.: С.А. Алматова]. – Арқалық : [б.б.], 2025. – 20 б. – Сурет. – Қазақ тілінде.

Ақпараттық-библиографиялық қамтамасыз ету бөлімі дайындаған библиографиялық жаднамада белгілі қоғам қайраткерінің өмірі мен шығармашылығы жайында мағлұматтар берілген. Бұл жаднама жалпы кітап сүйер қауымға және мұғалімдер мен студенттерге арналған.

ӘОЖ 7(574)(092)

ҚБЖ 85.33

© М.Г.Жумағалиева

Ақан Кәки Шәріпұлы

Торғай өңіріне белгілі қоғам қайраткері, сазгер, күйші, өңіріміздің құрметті азаматы Кәки Ақан Шәріпұлы 1935 жылы Қостанай облысы, Амангелді ауданының Жалдама елді мекенінде дүниеге келген. 1953 жылы Амангелді орта мектебін бітіріп, еңбек жолын сол жылы осы білім ұясында пионер ұйымының жетекшісі қызметінен бастаған.

60 жылдары халық театрының жұмысы қайта қолға алынып, жандана бастаған шақта Кәки Шәріпұлы өз замандастарымен бірге сахнаға шығып, рольдерде ойнап өнерімен тамсандырды.

1962-1980 жылдары Амангелді аудандық партия комитетінде нұсқаушы, сектор меңгерушісі, бөлім меңгерушісі болып істеді. 1980-86 жылдар аралығында Амангелді аудандық халықтық бақылау комитетінің төрағасы қызметін атқарды.

Талантты азамат өзінің рухани өмірін басқаға үлгі ретінде көрсете білді. Ол аудандық халық өнерпаздар үйірмесінің белді мүшесі бола жүріп, талай байқауларға қатысып жеңімпаз атанды. Оның өзі шығарған «Елім менің» және «Қаһарманым-ерлерім», тағы басқа әндері халықтық әнге айналды.

Қалалық ардагерлер ұйымының жанынан құрылған «Қазына» шығармашылық көркемөнерпаздар үйірмесінің жұмысы ел аузында. Бұл үйірме Кәки Шәріпұлының бастауымен 2000 жылы құрылып, күні бүгінге дейін халыққа қалтқысыз қызмет көрсетіп келеді.

Кәки Шәріпұлы тек өнерпаз ғана емес, қолы тұнып тұрған шебер. Ұлттық ою-өрнектерді салып, кебеже, сандық, тосағаш жасаудың маманы.

Өмір жолында сан салада жауапты қызметтер атқара жүріп, өнерден қол үзбеген тума талант бірнеше дүркін облыстық байқаулардың лауреаты, дипломанты, Арқалық қаласының «Құрметті азаматы».

Осы ғұмырының ішінде ағамыздың еліне, халқына жасаған қызметі Үкімет тарапынан лайықты бағаланып келді. «Еңбек Қызыл Ту» орденімен және бірнеше медальдармен марапатталған.

Елі қадірлеп, құрмет тұтқан абыз ақсақалымыз 2024 жылы дүниеден озды.



Кәки Шәріпұлы Ақанның шығармасы

1. Ақан, Кәки Шәріпұлы. Өмір тарихы [Мәтін] / К.Ш. Ақан ; [алғы сөз жазғ.: Х. Мұсабаев]. - Қостанай: Шапақ, 2017. – 294 б.

Мерзімді басылым беттерінде жарияланған мақалалары

2005

2. Ақан, Кәки. Ұлы тойға ұлы көш боп қатысты [Мәтін] : [жеңістің 60 жылдығына орай] / К. Ақан // Торғай. - 2005. - 24 маусым..

2006

3. Ақан, Кәки. Біздерге үлкен міндет жүктеді [Мәтін] : [Ұлы Отан соғысы ардагерлер съезі] / К. Ақан // Торғай. - 2006. - 5 мамыр. - 4 б..

4. Ақан, Кәки. "Жеңіс - ерліктің, батырлықтың, достықтың үлгісі " [Мәтін] : [қалалық ардагерлер кеңесінің төрағасы Кәки Ақанмен сұхбат] / К. Ақан ; әңг. Ғанибет Ғалымбекұлы // Арқалық хабары. - 2006. - 5 мамыр. - 4 б..

5. Шәріпұлы, Кәки. Ел тірлігі - ел бірлігі [Мәтін] : [қаламыздың 50жылдық мерекесі қарсаңында] / К. Шәріпұлы // Торғай. - 2006. - 23 маусым. - 1 б..

2007

6. Ақан, Кәки. Еліне еңбегі сіңген азамат [Мәтін] : [еңбек ардагері Қуаныш Ақыбайұлының еңбегі туралы] / К. Ақан // Қостанай таңы. - 2007. - 5 қаңтар. – 5 б..

2008

7. Ақан, Кәки. Ағаның нұрлы жолы [Мәтін] : [соғыс және еңбек ардагері Мұратқали Камалұлы туралы] / К. Ақан // Торғай. - 2008. - 22 тамыз. - 4 б..

8. Ақан, Кәки. Беделді қоғамдық күш [Мәтін] : [қалалық ардагерлер ұйымының кеңесі туралы] / К. Ақан // Торғай. - 2008. - 10 қазан..

2009

9. Ақан, Кәки. Соғыс ардагерлеріне үнемі көңіл бөлінуде [Мәтін] : [соғыс және тыл ардагерлеріне арналған көмек] / К. Ақан // Арқалық хабары. - 2009. – 5 ақпан (№ 6). - 6 б..

2010

10. Шәріпұлы, Кәки. Ардагерлердің ұлағатты істері [Мәтін] : [қалалық "Ардагерлер" клубының өнерлері туралы] / К. Шәріпұлы // Торғай. - 2010. – 9 шілде. - 4 б..

2012

11. Ақан, Кәки. Шуақты қарттық қамы [Мәтін] : [ардагерлер ұйымының кезекті VI съезі туралы] / К. Ақан // Торғай. - 2012. - 13 қаңтар. - 1 б..

12. Ақан, Кәки. Жолдау - жақсылықтың жаршысы [Мәтін] : [ел басы Нұрсұлтан Назарбаевтың Қазақстан халыққа жолдауы туралы] / К. Ақан // Арқалық хабары. - 2012. - 3 ақпан. - 5 б..

13. Ақан, Кәки. Ардагерлер ұйымының жұмысын жақсартайық [Мәтін] : [ардагерлер ұйымының Петропавл қаласында өтілген "Ардагерлер белсенділерінің аймақтық" атты семинары туралы] / К. Ақан // Торғай. - 2012. - 17 қыркүйек. - 4 б..

2013

14. Ақан, Кәки. Туған-туыстың ортасында қартаю да бақыт [Мәтін] : немесе 95 жасқа келген Ұлы Отан соғысының ардагері Өтетілеу Сүлейменов жайлы бірер сөз : [суреттер бар] / К. Ақан // Қостанай таңы. - 2013. - 2 шілде. - Б. 6-7..

2014

15. Ақан, Кәки. Елдіктің ерен үлгісі [Мәтін] : [Президент Жолдауы : автордың фотосы бар] / К. Ақан // Қостанай таңы. - 2014. - 28 қаңтар. - Б. 5..

16. Ақан, Кәки. Жеңістің жетпіс жылдығы алыс емес [Мәтін] : [ардагерлер ұйымының V Пленумы туралы : автордың фотосы бар] / К. Ақан // Торғай. - 2014. - 25 шілде. - Б. 3..

2018

18. Өткен күндерден белгі бар [Мәтін] : [қоғам қайраткері Кәки Ақан Шәріпұлының Батпаққара ауданының құрылу тарихы туралы әңгімесі] / АА" газеті редакциясы // Аманкелді арайы. - 2018. - 17 тамыз. - Б. 3.

19. Алтын ұя-бесігім [Мәтін] : Аманкелді ауданының 90 жылдық тойына ән шашу : [ән нотамен берілген] / сөзі мен әні Кәки Шәріпұлының // Қостанай таңы. - 2018. - 14 қыркүйек. - Б. 8.

2019

20. Шәріпұлы, Кәки. Асыл ана, аяулы жар Қатыкен! [Мәтін] : [естелік] : [өнер тарланы Мейрамхан Қапышұлының жары Қатыкен Әбуғалиқызы туралы] / К. Шәріпұлы // Amankeldi araiy. - 2019. – 19 сәуір. – Б. 7..
21. Шәріпұлы, Кәки. Қасиетті мейрамдарымызды қадірлейік ағайын! [Мәтін] : [Рамазан айы] / К. Шәріпұлы // ARQALYQ habary = Торғай. - 2019. – 31 мамыр. – Б. 3.
22. Шәріпұлы, Кәки. Іскер қыз – Тамара [Мәтін] : [кәсіпкер Т. Соколова] / К. Шәріпұлы // ARQALYQ habary = Торғай. - 2019. – 14 маусым. – Б. 4.
23. Шәріпұлы, Кәки. Ұмытылмайтын ұлы есім [Мәтін] : [ұстаз Ғыжудан Қасымовтың туралы] / К. Шәріпұлы // Amankeldi araiy. - 2019. – 14 маусым. – Б. 7..
24. Кәки, Ахан. Қасиетті мейрамдарымызды қадірлейік, ағайын! [Мәтін] : [Рамазан айы] / А.Кәки // Amankeldi araiy. - 2019. – 31 мамыр. – Б. 6.

2020

25. Шәріпұлы, Кәки. Батпаққара кіндік қаным тамған жер [Мәтін] : [өлең] : [Сәбит Досановқа] / К. Шәріпұлы // Amankeldi araiy. - 2020. – 22 мамыр. – Б. 4..

2021

26. Шәріпұлы, Кәки. Торғайдың топырағында туған дара мүсінші [Мәтін] : Жерлесіміз Әбілбек Ұзақұлының туғанына – 85 жыл / К. Шәріпұлы // Amankeldi araiy. - 2021. – 6 мамыр. – Б. 4..
27. Шәріпұлы, Кәки. Торғайдың топырағында туған дара мүсінші [Мәтін] : [мүсінші Әбілбек Ұзақов] / К. Шәріпұлы // ARQALYQ habary. - 2021. – 29 қазан. – Б. 6.

2022

30. Ақан, Кәки. Наурыз бата [Мәтін] : [өлең] / К. Ақан // ARQALYQ habary. - 2022. – 18 наурыз. – Б. 4.

Ол туралы

2005

1. Байжан, Ахметхан. Аға туралы ақиқат [Мәтін] : [ардагер Кәки Ақан туралы] / А. Байжан // Торғай. - 2005. - 12 тамыз. - 4 б..

2010

2. Есмағанбетов, Қайрат. Сан алуан өнер иесі [Мәтін] : [қалалық ардагерлер кеңесінің төрағасы Кәки Шәріпұлы туралы] / Қ. Есмағанбетов // Арқалық хабары. - 2010. - 6 тамыз. - 3 б..
3. Мұсабаев, Хамитбек. Жанымен ұққан өнердің құдіретін [Мәтін] : [өлеңдер] / Х. Мұсабаев // Арқалық хабары. - 2010. - 6 тамыз. - 3 б..
4. Нұрманұлы, Төлеу. Жасынан алғыр еді [Мәтін] : [қалалық ардагерлер кеңесінің төрағасы Кәки Шәріпұлы туралы] / Т. Нұрманұлы // Арқалық хабары. - 2010. - 6 тамыз. - 3 б.
5. Жақыпов, Аманқұл. Арнаулар [Мәтін] : [өлеңдер] / А. Жақыпов // Торғай. - 2010. - 6 тамыз. - 5 б..
6. Тілемісұлы, Темір. Арнаулар [Мәтін] : [өлеңдер] / Т. Тілемісұлы // Торғай. - 2010. - 6 тамыз. - 5 б..
7. Шөкен, Майра. Алтын арқау [Мәтін] : [қалалық ардагерлер кеңесінің төрағасы Кәки Шәріпұлы Ақан 75 жаста] / М. Шөкен // Торғай. - 2010. – 6 тамыз. - 4 б..
8. Омарұлы, Өтеген. Жеті өнер иесі болатын [Мәтін] : [қалалық ардагерлер кеңесінің төрағасы Кәки Шәріпұлы Ақан туралы] / Ө. Омарұлы // Арқалық хабары. - 2010. - 20 тамыз. - 3 б..

2015

9. Ахметбеков, Б. Ардагерлер ән салды, ел - жұрт тамсанды [Мәтін] : [ардагерлер ұйымынан құрылған ұлт аспаптар ансамблі жұршылықты әнге бөледі] / Б. Ахметбеков // Торғай. - 2015. - 19 маусым. - Б. 3.
10. Қойшыбайұлы, Мұқият. Кәки Ақан мерейтойына [Мәтін] : [өлең] / М. Қойшыбайұлы // Арқалық хабары. - 2015. - 7 тамыз. - Б. 5.
11. Жапарұлы, Молдатай. Ағаға ақ тілек [Мәтін] : [өлең] / М. Жапарұлы // Арқалық хабары. - 2015. - 7 тамыз. - Б. 5.
12. Жантасов, Әбдіғали. Сан сыннан сүрінбеген сайыпқыран [Мәтін] : [өлең] / Ә. Жантасов // Арқалық хабары. - 2015. - 7 тамыз. - Б. 5.
13. Қазымбеков, Қуанышбай. Келіп қапсыз сексенге [Мәтін] : [өлең] / Қ. Қазымбеков // Арқалық хабары. - 2015. - 7 тамыз. - Б. 5.

14. Есмағанбетов, Қайрат. Шаттық қонған шаңырақ [Мәтін] : [еңбек ері Кәки Ақан 80 жаста] / Қ. Есмағанбетов // Арқалық хабары. - 2015. - 7 тамыз. - Б. 8.
15. Жүнісұлы, Мұрат. Сексенде серілігін тастамаған... [Мәтін] : [еңбек ері Кәки Ақан туралы] / М. Жүнісұлы // Арқалық хабары. - 2015. - 7 тамыз. - Б. 8.
16. Жүнісұлы, Мұрат. Сексендегі сері аға [Мәтін] : [ардагерлер ұйымының төрағасы Ақан Кәки Шәріпұлы 80 жаста] / М. Жүнісұлы // Қостанай таңы. - 2015. - 11 тамыз. - Б. 7.

Сазгердің ән-жырлары

Алтын ұя – бесігім

(Аманкелді ауданының 90 жылдық торқалы тойына ән шашу)

Сөзі мен әні Кәки Шәріпұлынікі

Кәки Шәріпұлы Ақан – Батпаққараның тумасы. Саналы ғұмырын сол туған жерінде өткізген. Отыз жылға жуық партия жұмысында басшы, жауапты қызметтер атқарған. Қазір Арқалық қаласында тұрады. Жасы 80-ге келгенше Арқалық қалалық ардагерлер кеңесін басқарды. Арқалық қаласының Құрметті азаматы, Республикалық ардагерлер ұйымының "Құрмет" төсбелгісінің иегері. Тыл еңбеккері.

Кәки Шәріпұлы бала кезінен өнерге жақын болды. Бірнеше байқауларға қатысып лауреат атанды. Облыстық меценаттар клубы сыйлығының лауреаты. Әнші, күйші, жыршы. Сонымен қатар, сөзін өзі жазып, ән де шығаратын қабілеті бар. Соның бір айғағы, 84-ке қадам басса да туған елінің торқалы тойына арнап "Алтын ұя бесігім" атты әнін жолдап отыр. Сонымен қатар, болашақ жастар үшін аудандық кітапханаға шетел және орыс классиктерінің шығармаларынан 100 кітап тапсырған.



Алтын ұя-бесігім

Аманкелді ауданының 90 жылдық тойына ән шашу

Сөзі мен әні Кәки Шәріпұлы

Батпаққара – кіндік қаным тамған жер,
Жалдаманы бойлай қонған қалың ел.
Шөбі шүйгін, суы балдай татыған,
Саған жетпес бұл әлемде ешбір жер.

Қайырмасы:


О, туған жер мен өзінді сүйемін,
Батыр туған, ақын туған киелім.
Қарыздармын мен өзіңе қашанда,
Құдыретіңе мен басымды иемін.

Өтті талай қилы заман басыңнан,
Елге қысым көрсетті жау басынған,
Қос батырым Аманкелді Кейкімен,
Мысын басып, кегін алған жауынан.

Қайырмасы:

Ұрпағың бар батырлардан үлгі алған,
Бейбіт күнде еңбекпенен шыңдалған.
Туған жердің асқақтатып мерейін,
Атақ-даңқын биіктерден асырған.

Жайнай берші қасиетті мекенім,
Әнге қосып, жырға қосып өтемін.



Құт-береке, бақ орнасын халқыма,
Аялаған алтын ұя бесігім.

Қайырмасы:

О, туған жер мен өзінді сүйемін,
Батыр туған, ақын туған киелім.
Қарыздармын мен өзіңе қашанда,
Құдыретіңе мен басымды иемін.

Мен бақытты қазақпын

Әні мен сөзі: Кәки Шәріпұлынікі

Отаным менің азат ел,
Бақ құсы қонған басына.
Ұлы далам, байтақ жер,
Қалдырған бабам артына.

қайырмасы:

Мен бақытты қазақпын,
Көрмеймін енді азап мұң.
Мәңгілік сақтап қаламын, }
Тұғырын азаттықтың. } 2 рет

Әлемге аян атым бар,
Қазақ деген халқым бар.
Терезем тең басқамен,
Ата Заңым,салтым бар.

қайырмасы:

Арманы асқақ елімнің,
Болашағын болжаған.
Ұл-қызым бар айбынды,
Отан шебін қорғаған.

қайырмасы:

Елім менің

Сөзі мен әні: Кәки Шәріпұлынікі

Туған ел саған шексіз махаббатым,
Тәңірім төксін мейірім, шапағатын.
Аңсаған тәуелсіздік бүгін қолда,
Әлемге асқақтасын қазақ атың.

қайырмасы:

Кең байтақ елім, киелі жерім,
Сен үшін жанын қиған ерлерім.
Ерліктің туын, бірліктің туын,
Көтерген көкке бабалар бұрын.

Желбіреп аспанымда көк байрағым,
Құлпырсын қызғалдақтай аймағым.
Достығы халқымыздың мекем болып,
Тыныштық бұзылмасын қаймағың.

қайырмасы:

Естелік суреттер



Отбасы ортасында





Әкелі – балалы сахна төрінде күй орындауда.



«Қазына» ұжымының халықтық атагы бар хоры. Астана, 2016 ж.

Кәки Ақан Шәріпұлына арнау өлеңдер

Кәкимолла ағаға

Әуелетіп ән салса,
Тебіренеді тыңдаған.
Шаршамайды қолында,
Тағылым жазар қыл қалам.
Ақылы дария ғұлама,
Жаныңда жүр ғой ұлы адам.
Күңіrentіп аят оқыса,
Бұхардан оқып келген дер.
Молдасыз оқып игерген,
Зор еңбекпен төгіп тер.
Өмірі мектеп білгенге,
Он қолдан өнер төгілген
Ағаштан ойып оюды,
Түйін түйген темірден.
Қарапайым мейлінше,
Шығармас сырын бекерге.
Ағамызды мақтауға,
Өлеңім, тілім жетер ме?
Сүйсініп қана жүрейін,
Мақтан тұтып сыртынан.
Аямас аға өнерін,
Өзі сүйген халқынан.

Темір Тілемісұлы

Кәки Ақанов

Өмір жалған, өткінші ойласаңыз,
Өнер – мәңгі, түсініп құндасаңыз.
Көп нәрсені үн-түнсіз ұғасыз сіз,
Кәкең тартқан күйлерді тыңдасаңыз.

Рахатқа бір сәтке жаның батар,
Қыз деміндей бойыңды дуылдатар.
Күмбірлеген қоңыр саз, қоңыр әуен,
Алпыс екі тамырды шымырлатар.

Құдіретіне еріксіз жүгіндірер,
Елжіретіп ішінді егілдірер.
Мұхитына сүңгітіп сағыныштың,
Мөлдір тамшы көзіңнен төгілдірер.

Күйшілердің талайын көрдім мен де,
Соның бәрін байқадың бәлкім сен де?!
Кей дарынның елеусіз...білмейміз-ау,
Ел ішінде жүргенін алтын көмбе.

Кәки аға – солардың, соның бірі,
Туған елі сыйынған кәміл пірі.
Ақын, сазгер, әрі актер, әрі әнші,
Санамадық барлығын қанша қыры.

Зор бақыт қой дер шақта еленсе өнер,
Бір кірпіш боп сәтімен қаланса егер.
Осы қазір Торғайдың топырағында,
Көргенім жоқ күйшіні одан шебер.

Өттең жастай танылмай елде қалған,
Сонда да өнер жүрегін жаулап алған.
Мыңдар жеткен мақсатқа, біреу
жетпес,
Өкіндіріп өтпей ме, дүние жалған.

Жетпісінді бүгінде алқымдады,
Ыстық жүрек баяғы салқындады.
Домбырасыз бірақ та отыра алмас,
Жөнін оның білмедім кім құндады.

Іліп түсер қиядан күй қыраны,
Кәки аға игерген мол мұраны,
Билетеді тербетіп жүрек қылын,
Сөйлетеді адамша домбыраны.

Оның күйін тыңдаған ойға қалар,
Екі көзі мөлдіреп жасқа толар.
Сыңғырлаған сұлу саз күмістейін,
Ерікке қоймай елітіп баурап алар.

Көрген адам өзгеше қабілетін,
Риза боп қарадай сүйінетін.
Кәки аға сырбаз да, талғампаз жан,
Жанмен ұққан өнердің құдіретін.

*Хамитбек Мұсабаев
«Аманкелді арайы» газетінің редакторы*

Кәкиге арналады жақсы тілек

Кешегі баян тартқан бала Кәки,
Болып тұр бүгін міне дара Кәки.
Жетпісін халқыменен думандатып,
Еңбекпен атанып жүр дана Кәки.

Жасыңды қайта есептеп сана Кәки,
Жас едің мен көргенде мана Кәки.
Қалайша бұл жетпіске келіп қалдың,
Есебін компьютерден қара Кәки.

Бұралған тал шыбықтай бала Кәки,
Өмірге келген жоқсың жаңа Кәки.
Жетпіс деп айтқаныңа сенейік те,
Қызықты көре бергін алда Кәки.

*Әбілбек Ұзақов
мүсініші, ҚР суретшілер Одағының
мүшесі, «Құрмет» орденінің иегері*

Кәки Шәріпұлының ақ баталары

Көпшілікке берілетін бата

Тілегіміз ақ болсын,
Көңіліміз шат болсын.
Осы отырған баршаңыздың,
Бастарыңа бақ қонсын.

Әулиелер оңдасын,
Қызыр баба қолдасын.
Қазақ деген халқымның
Басына құт-береке орнасын.

Байлығымыз құт болсын,
Бірлігіміз нық болсын.
Қазақ халқы көбейіп,
Қара орман жұрт болсын.

Көсегеміз көгерсін,
Керегеміз кеңейсін.
Төрткүл дүние төрінде,
Тереземіз теңелсін.

Көгімізде күн болсын,
Жерімізде нұр болсын.
Баршаңыздың басқан
Қадамдарыңыз гүл болсын.

Қарттарға бата

Түндерің тыныш болсын,
Үйлеріңе ырыс толсын.
Келіндерің есті болсын,
Ұлдарың сесті болсын.
Балаларың қуаныш әкелсін,
Немерелерің жұбаныш әкелсін.
Орындарың төр болсын,

Дастархандарың мол болсын.
Қатарларың көп болсын,
Уайым-қайғыларың жоқ болсын.
Жастардың қазасын көрмеңдер,
Зұлымдардың жаласын көрмеңдер.
Елінде бірлік болсын,
Жарасты тірлік болсын!
Әмин!

Құдаларға бата

Құда болдық мың жылдық,
Арада жүрсін тек шындық.
Жарастырып жасаған,
Көрсетпесін еш мұңдық.

Төске төсті тақастық,
Құйрық бауыр асастық.
Өтсін өмір көңілді,
Аулақ болсын қасастық.

Бақытты болсын балалар,
Қолдай көрсін бабалар.
Өрбісін деп тілеймін,
Балалардан даналар.
Аман-есен көп жаса,
Тәрбиелеп өсірген,
Қадірлі ата-аналар.

Замандастар пікірі

Кәки Шәріпұлы халқымыздың жыршылық, термешілік өнерін де жанына серік еткен. Абайдың «Ескендір» поэмасын, «Қызыр мен Мұса» халық дастанын, Файзолла Сатыбалдыұлының «Тоқымбет – Гүләйім» хикаятын, Нұрхан Ахметбекұлының, атақты Орынбай, Шал ақындардың шығармаларын шырқау биігіне жеткізе орындайды.




Қалалық ардагерлер ұйымының жанынан құрылған «Қазына» шығармашылық көркемөнерпаздар үйірмесінің жұмысы ел аузында. Бұл үйірме Кәки Шәріпұлының бастауымен 2000 жылы құрылып, күні бүгінге дейін халыққа қалтқысыз қызмет көрсетіп келеді. Кәки ағаның күйшілік, әншілік, жыршылығымен қоса сазгерлік қасиеті де бар. Өзі сөзін де, әнін де жазған «Менің елім!», «Қаһарман ерлерім!», «Ардагерлер әні», «Арқалық – астанасы Торғайымның» тәрізді әндері облыстық байқауларда алдыңғы орындарға ие болып, лауреат атанып жүр.

Мұрат Жүніс

Ел азаматтары осылайша ой-пірлерін білдіріп, Кәки Ақан атамыздың сан қырын сөз еткен болатын. Ия, «қарияң қайсы?» десе, мақтанышпен көрсететін асыл қартымыздың бірегейі Кәки Шәріпұлы екені анық. Жалынды жастық шағын, күш-қуатын, ерік-жігерін өңіріміздің дамуына арнап, қызмет етті. Жасы ұлғайып, зейнетке шыққан соң да өнерімізді насихаттап, ұрпақтың тәлім-тәрбиесіне араласып, қариялардың өмір жолын, мол тәжірибесін осы салаға бағыттап, жұмыс жасады. Жасы сексеннен асып, тоқсанға тақаған уақытта да ауқымды қоғамдық шараларға да атсалысып, елге өзі жазған ақ батасын беріп, халықтың ыстық ықыласына бөленіп жүрді. Олай болса, Кәки Шәріпұлының елі үшін жасаған еңбегі ешқашан ұмытылмайды деп білеміз. Жаныңыз пейіште шалқысын!

Дархан Амантайұлы

Баспа беттерінде





Ақпараттық-библиографиялық қамтамасыз ету бөліміндегі сазгер Кәки Ақан жайлы жинақталған деректер папкасы.



Қоғам қайраткерінің 85 жас мерейтойына орай шыққан библиографиялық жаднама

Мазмұны

1.Кәки Ақан Шәріпұлы.....	3
2. Кәки Шәріпұлы Ақанның шығармасы және мерзімді басылым беттеріндегі мақалалары.....	4-8
3.Сазгердің ән-жырлары.....	9-11
4. Естелік суреттер.....	12-14
5.Кәки Ақан Шәріпұлына арнау өлеңдер.....	15-16
6.Кәки Шәріпұлының ақ баталары.....	17-18
7.Мерзімді басылым беттерінде.....	19-20
7.Замандастар пікірі.....	21
8.Баспа беттерінде.....	22
9.Ақпараттық-библиографиялық қамтамасыз ету бөліміндегі сазгер Кәки Ақан жайлы жинақталған деректер папкасы мен библиографиялық жаднама.....	23

Шығ. жауапты: Ж.К. Абжанова
Құрастырушы: М.Г.Жумағалиева
Редакторы: С.А.Алматова

Басуға 22.08.2025 ж. қол қойылды.
Қаріп түрі: Times New Roman.
Басылымның көлемі: 6
Таралымы: 3 дана.



**Арқалық қаласындағы
облыстық №2 әмбебап ғылыми кітапханасы» КММ**

**110300, Қостанай облысы, Арқалық қаласы.
Абай көшесі, 62. Тел. (факс) 7-09-16.
Е – mail:arkounb@mail.ru**